

(20) 285 D-16

AM/7/13.

J.R.S. Masiangoako. ^b

K32/13

27

1. Wrongs, offences, crimes.

Intent.

Gona le pharologanyo e tona mo melatong e batho ba e etsang. Molato o motho a sa oetsang ka bomo, ga o tsoane le motho a dirang ka bomo. Le dikotlo ga di tsoane, kotlo ea molato o motho a dirileng ka phoso ea utloega, gona le ea o motho a o dirileng ka bomo.

Actual Case.

Rantleru e Mile eare a loale Ranaga a roba Ranaga letshogo. Tsheko ea bona ge e tsena koa kgotleng, morena a raea Ranaga a re "Ka' gore le ne le loa, le molato ka bobedi ka gore oena ge o ka be o ne le thata o ka be o robile Rantleru. Fela o paletsoe ka gore o na a gofela ka matla". Re tla go athola podi tse tlhano, Rantleru ene re mo athola kgomo, oena re go ruta gore o seke oa tlhe o loa le batho. Ranaga a lla thata, gore eanong ene, ka gore o robegile letshogo o oa tlholeloa. Morena a molela gore ntoea ke ea lona ba bedi. Ge Rantleru a sena go ntsha kgomo, morena a e naea ngaka gore a alafe Ranaga, diphodi tsona ba di ja mo kgotleng. Kgomo eona ea alafa Ranaga, gore di tshenyegelo ene tsa Rantleru, eseng gore mosadi oa Ranaga a be a ntshe sengoe go alafeng Ranaga. Ranaga alafioa a be a fola ngaka ea duelloa ka kgomo e ntshitsoeng ke Rantleru.

2

Actual case.

Kgomo tsa monamodi di kile tsa jela Rantlhasi mabele, ge Rantlhasi a tso betsa Monamodi gore a tlo bona tshenyo ea di kgomo tsa gaoe, ge Monamodi a tsena koa tshimong ea T Rantlhasi a molela gore o ikoatisa fela kgomo tsa gago di njetse mabela. Ba be ba nna fa fatshe ba buoa kafa dikgomo di sentseng ka teng Ge ba sena go buoa ba be ba fetsa ba dumelana gore Monamodi o tla ntsha podi tse supang. Ka mosho ge Rantlhasi a tsamaea go tsaea dipodi tsele Monamodi a mo duetseng ka tsona, ge a tsena koa go Monamodi a fete a molela gore o tlile go tlo tsaea dipodi Monamodi a be a mo tlolela ka thobane, a mootla a be a molathela fa fatshe a molela gore o motlapa o tlhe o siane ledilo tsa batho tsa gagoe di mopala. Rantlhasi ge a ntse a letse fa maotong a Monamodi a ubula Monamodi ka maoto gore a mo tlhakgeganye ka l tlhogo mo leptlapeng, gore letlapa le moshame tlhogo e.,

285

3

thata gore a be a idibale. Ge monamodi a tsoga a fitlhela Rantlhasi a tsamaile, Monamodi ene, a be a ea koa kgosing go montsha kafa Rantlhasi a mo otlileng kateng. Ge morena a mmona kafa a ntseng ka teng morena a tsitsibana. Ge Rantlhasi a be a romeloe motho go mmitisa, ge motho a tsena ko Rantlhasi a fitlhela ene a robetse fa fatse a re "O otliloe ke Monamodi ka thobane". Motho eole a boela koa moreneng go molela kafa Rantlhasi a ntseng ka teng. Ge morena a sena go utloa gore Rantlhasi le ene oa loala a botsa Monamodi gore a ne le loa, Monamodi a re "nyaea re ne re saloe". Morena a be a laela gore Rantlhasi a tle koa kgotleng ka mosho a tlo bolela gore ba ne ba itanang. Ka mosho ge Rantlhasi a tsena mo kgotleng a bolela gore dikgomo tsa Monamodi di ne di mo jetse mabela me ra dumelana gore a tlantsha dipodi tse disupang. Ge ka mosho na ke re ke eo go tsa ea dipodi ge ke tsena koa go Monamodi a re a be a nkotla ka thobane gore ke be ke robale fa fatshe fa di naong tsa gagoe. Ke gona erileng ke ntse ke robetse fa di naong tsa gagoe ka morutla ka maoto a oela mo letlapeng ka tlhogo. Morena a botsa Monamodi gore a o itelle Rantlhasi ka thobane Monamodi a dumela, a be a mmotsa gore a o ne a dumelane le Rantlhasi gore a tla duela mabele a Rantlhasi, ka dipodi tse di supang. Monamodi a dumela. Morena a mmotsa gore eanong o diretseng gore o itee motho a tllile tlo tsa ea dilo tsa gagoe. Monamodi a bolela morena gore o na a ntena. Morena a athola Monamodi dikgomo tse tlhano le di podi tse disupang tsa Rantlhasi, Morena a tsa ea kgomo tse pedi tse tharo a di tlhabela, Rantlhasi a tsa ea dipodi tsa gagoe. Monamodi a bona ka nosi le ntho ea gagoe.

4

Ge mosadi gongoe ngoana oa motho a dirile molato molato o lefeloa ke ntatagoe. Ga go kgathatshege gore ngoana eo o kanankang, go tsoanetse gore ngoana go itsisioe ntatagoe. Ke gore ge a ka sekisioa fela ntatagoe a sa itse, a ka tla a bona baskisi ba ngoana molato o mo tona thata, o ka ba jela g dikgomo.

Actual Case.

Maselane mosimanyana oa ga Ntsoane o kile eare a ntse a gapa dikgomo tsa abo, kgomo tse dingoe tsa Khunou tsa be di di sala morago, koapela tsa be di tsena motshimong ea Kobekobedi.

5

Kobedi ge a difitlhela di le motshimong ea gagoe, a be a di batlisa ba disa ba tsona ge a ntse a tsamaea a be a bona Maselane. Ge a di mmotsa gore dikgomo tse ke tsa mang, Maselane a mmolela gore ke tsa Khunou di tlile di setse tsa gagoe morago. Ge Khunou a sena go utloa gore dikgomo tse tsa gagoe ge di tla tsena motshimong ele ea Kobedi ke ge di ne di setse tsa ga Maselane morago. Khunou a gakala gore a be a latele mosimanyana Maselane koa nageng, ge a tsena ko ene, a fete a moitaea thata gore Maselane a be a tlogele dikgomo tsa abo. A tshabela koa gae a feta a bolele ntatagoe, ntatago Maselane a be a latele dikgomo koa nageng. Mantsiboana ge a sena go thlatlhela dikgomo tsa gagoe, a be a latela Khunou go utloa gore o na itelang ngoana oa gagoe. Ge a tsena ko Khunou a fete a botsa gore o na a itelang ngoana oa ga oe, Kukhou a bolela kafa kgotsa gagoe di neng di setse tsa mosimanyana morago kateng le kafa di ileng tsa tsena motshimong ea ga Kobedi kateng. Ntuoane a gakala a raea Khunou are, "Le ge ngoana o ne o mona molato o no o sa tsoana gore o ka be o ne o mmeditsa. O ka be o ne o tlile koano gona ntatagoe". Ntuoane a mmolela gore bona o iteile ngoana gore a be a tshabe a tlogela dikgomo gore nna ntatagoe ke be ke di late. Ntuoane a be a isa Khunou koa kgotleng gore o sekisitse ngoana oa gagoe a nosi. A be a mo athhola, mme nna ntatagoe ke sa itse sepe. Morena ge a botsa Khunou gore a gontse jaaka Ntuoane a buca, Khunou a dumela gore go ntse jalo. Morena a bolela Khunou gore ngoana oa motho o mongoe ga a ke a sekisioa ntatagoe a sa itse. Ba athhola Khunou kgomo le dipodi tse pedi gore di tle di alafe mosimanyana di ntho tse. Morena a bolela Khunou ka gore seane sare "Mpya eea kgokoa e isioe go mongoe eona" Oena o ene o direlang gore o seke oa tlisa ngoana eo koa go ntatagoe le go tlo bega tshenyo, e a esentse, o ne o sa tsoana gore ka be nne o išetse seatla.

6

Wrongs against the person: Homicide.

Motho ge a ka bolaea o mongoe o oa tlholoa botlhoko tota. Ge a tlholeloa go iteoa, o tla iteoa thata, ge a tlholoa dilo tse tshelang ba tla di tsaea mo le ene a tlabeng a ngongorega gore ba di tsere tso tsotlhe. Ge ele ngoana o tla otloa gore mmagoe le ntatagoe ba be ba hutsafale.

Mosetsana eo mongoe go thoe Marea o kile a tshola ngoana, fela o na a sena monna, a be a sa rate gore batho ba itse ge a tshotse ngoana. A be ene ka nako e a ikutloang ka eona a be a tsoela koa nageng. Ge a sena go tshola ngoana eole a be a molaea, ge a sena go molaea a santse a mmele gaufi le mosima oa nkoa tlou, a be a bona monna eo mongoe a tla ntlhaea gagoe ke ge a tshaba a tlogela ngoana a beiloeng, a tshabela gae. A be a bona monna yole, monna eole ge a tsena fa ngoana a beloeng teng, a be a mmona, ge a mmona a makala thata gore ngoana eo, e ka be ele oa ga mang? Le ene a be a motlogela a ea koa gae, koa motseng, ntlu ea ntlha e a tseneng ka eona e ene ele ea gagabo mosetsana eo a lathileng ngoana. Ge a tsena fateng a fete a bolela kafa a boneng ngoana ka teng. Ba makala le bona, ga seke ga baea ope ea itseng ka ga ngoana eo. Monna eole Motone a be a ea koa kgosing a fete a bolela morena le banna ba lekgotla. Go ge go ntshioa batho ba b di gore ba eo go lebela ngoana eo go fitlhela ka mosho. Motone ge a sena go ba supetsa ngoana eola faleng teng, ene a be a ipoela. Banna ge ba ntse ba lefa, mosetsana eole Marea a be a tla ko bona, ge a sena go tsena, a ba a makala ge a ntse a makaletse o mongoe a be araea are, "Monna are tsamae, mosetsana gake eo, re ka seke ra tlo lebelisioa ke banna bangoe, ngoana sule re saitse gore ke oa ga mang. Labo bedi ba re tima byaloa" Banna bale ge ba sena go tsamaea mosetsana eole Marea a be a tla a tsaee ngoana eole, a eo go mofitlha koa goitseng ene fela. Mantsiboa ge letsatsi le theoga banna ba bangoe ba be ba tla go tlo bona ngoana eo, le go tlo bona gore ba ka dirang ka ene go fitlhela kamosho. Ge ba tsena koa ba fitlhela banna bo ba seo le ngoana a seo. Ba be ba eo batla banna bao mo motseng, ge ba sena go ba bona ba be ba eo go bolela morena kafa banna bao ba sebeditseng ka teng. Ge morena a utloa jalo, a gakala thata, a bua gore ge ngoana eo a sa bonale banna ba ba neng ba molebeletse ba tsoanetse ke gore ba bolae. Banna bao ge ba utloa ka fa morena a galefileng kate, g ba be ba lata mosetsana Marea gore ke ke ene a tsoanetseng goitse gore ngoana eole o ile kae. Ge ba tsena koa go ene, ba tsena ba galefile thata. Marea a itxo itatola gore gaitse sepe ka ga ngoana eo, ba mmotsa gore koa go

o ne o ile go batlang? ba be ba tsaea ~~Mar~~ na ba mo isa koa kgosing
 ba fete ba bolela morena gore mosetsana eo ke ene a tsoanetseng
 a itse kaga ngoana eo. Ke ene a tlileng ko rona, a fete a re sotla
 ge re lebeletse ngoana eo. Gore a re tshaba banna ba bangoe.
 Morena a be a botsa mosetsana gore a o itse sengoe ka ga ngoana eo,
 a itatola. Morena a be a ntsha monna eo mongoe gore a mogame, ge
 monna a tsoara lebele fela mafyi a be a tsoa. Ba botlhe ba dumela
 gore ke ene mma ngoana. Mosetsana a itatola gore, ba bangoe
 ba be ba tshabe le ene. Morena a laela banna lekgotla gore ba
 mmofele diatla ko godimo ga mokgoro gore a lale a ntse fela jalo.
 A seke a robala. Ga ntshioa banna ba bangoe gore ba mo lebele.
 Morago ga sebakanyana ba utloa ba bitsa a lla thata gore ke ene
 mma ngoana le gona o tlaea a mo supa koa meileng teng. Banna
 ba, ba be ba ea go bolela Morena kafa mosetsana a buoang ka teng.
 Morena a ba laela gore ba tsamae le ene gore a o ba supetsa ngoana
 9 eok ba motlise koa kgotleng le ene mosetsana eo. A seke a sala,
 a tle a tle le bona koa kgoeleng. Ge a sena go mofola, a be a
 etela pele, a be a fete a supetsa fa a moepetseng teng. Ge ba
 sena go moepola ba be ba mo tsaea ba ea ka ene koa kgotleng a
 tshotse ke ene Marea. Ge a sena go tsena koa kgoeleng ba lala koa
 kgo leng go fitlhela ka mosho. Ka mosho batho ba be ba phuthegela
 koa kgoeleng go tlo utloa le go bona tiro ea ga Marea. Morena a
 fela a santse a mmotsa gore o diretseng gore a bolae ngoana.
 Marea a bolela gore o na a sa rate goer ba tho ba itse ge ke tshotse
 ngoana ke sena monna. Morena a bolela batho ka batletse lekgotla
 gore Marea e bolaila ngoana ka lebaka la gore gana monna. Janong
 ka lebaka le, re tla tlholela Marea gore a itee gare ga batho
 fa, mpe tse di masome a mararo, ntatagoe ene o tla ntsha dikgomo
 tse di supang gore o diretseng, ge a ka seke a itse se ngoana oa
 gagoe a se dirileng. Ene ntatagoe o na a ntse a le mogile ngoana
 oa gagoe. Marea a tsoaroa ke banna ba bane ba mmopola ga
 utshioa monna gore a mo itee. Marea a iteoa fapela ga batho,
 morena a bolela batho gore go dira jalo re thibeleda basetsana
 ba bangoe gore, ba seke ba etsa jalo, ntatago ~~Marea~~ a ntsha dikogomo
 tse di supang.

Maiming Ge motho a ka khutla a mongoe gongoe a moroba,
 letshogo gongoe leoto, e se ka bomo ga gona molato ke kotsi

e eabeng e mo tlhagetse. Ge a morobile molato ke oa ka bomo, fateng ke molato o motona, o eleng gore o tla utloisa motho ea o dirileng botlhoko gongoe go mosenyetsa.

Actual Case.

Monna eo mongoe eo go thweng Seturumane e kile ea re a re ke kolopa kgomo ka letlapa, letlapa la go fosa kgomo la otlala mosimane o mongoe mo letshogong, la moroba letshogo fo godimo. Seturumane o na a saikaela go kolopa mosimane eo, fela letlapa leile la mo otlala ka phoso, batsadi ba mosimane ge ba utloa kafa Seturumane a iteileng ngoana oa bona kateng, ba utloa botlhoko fela. Fela ba seke ba duedisa Seturumane, le eseng gore ba ka mosekisa, ba rile fela ke tsietse e ba tlhagetseng. Ba sokotse le ngoana eole go fitlhela a fola. Ga ba ka ba re "Seturumane o tsoanetse gore alafe ngoana eo ka gore ke ene a morobileng."

Actual Case.

Tsatsi le lengoe Sekonyele o kile ea re a omana le Moremedi ge ba ntse ba omana Sekonyele a be a konopa Moremedi ka thobane, thobane ea itaea Moremedi mo lethogong ea leroba. Ge a sena go moroba a be a ipaea jaaka a ne a sa mokonope ka bomo. Batho ba be ba ba letang ba ba mmoneng ge a mokonopa ka bomo. Moremedi a isa kgetse koa kgotleng ge kgetse e sena go tsena koa kgoeleng Sekonyele a bolela gore o na a saikaela gore a mokonope ka thobane, e phyamogile ka phosho. Ba supi ba Moremedi ba ba bolela kafa ba neng ba omana kateng. Le kafa Sekonyele a mokonopileng kateng. Kgetse ea oela Sekonyele a tlhola kgomo tse tharo, engoe ea neioa ngaka gore e alafe Moremedi tse pedi tsa jeoa mokgotleng. Morena a bolela Sekonyele gore ke phosho gore ere o omana le o mongoe o mokonope ka letlapa le ge ele ka thobane. Ka gore ga o itse gore o tla mo otlala fa kae le gona o koatile. Morena a bolela batho gore ge motho a ka tlisioa fa k kgotleng fa a robile o mongoe ka bomo re tla tle re mo utloisa b botlhoko. Batho ba tsoana go robana e se di phologolo le di pholofolo ga di robane. Motho o na le tlhaganyo go di feta, go polang jalo batho.

L.L. T Ranthoakgale.

/SM.

12. Wounds, Assaults.

Motho ge a ka khutla o mongoe me a montsha ntho, ba tshameka ga gona molato fela ge ba omana, gona le molato o mo tona. Gogn Goengoe ge monna a ka omana le mosadi oa gagoe eare mo komanong ea bona o mongoe a ntsha o mongoe ntho, go isa o mongoe koa kgotleng. (Actual Case) Monna eo mongoe a bidioa R_gtau erile a noa byaloa le Rasebati, ba be ba omana byaloa. Rasebati a be tsoara Ratau a moloma molomo go bapana le nko, gore a motolotse meno a be a sale fa kgakala. Ratau a be a isa Rasebati koa kgotleng go mo sekisa, ge ba fete ba bona kafa R^{se}ebati a editseng Ratau ka teng kgosi ea taitsebana thata gore e be e romele gore Rasebati a tle kapele. Rasebati ge a fitlha a fete a bolela gore R_gtau u o na a motima byloa etsae byaloa ene ele bame, le gona bone bole koa ntlung ea me. Ratau ona a ntateletse koa tlung ea me. Morena a bona Ratau molato ka gore o lateletse R_gseebati koa tlung ea gagoe, le gona byaloa e ne se ba gae. R_gtau a tihloa podi. R^{se}ebati ene a seke a tihloa sepe ka gore ba rile R_gtau o na a molateletse. Fela morena are R_gsebayi gore a seke a tihole a loma batho ka mokgoa eo o lomileng Ratau ka ona. Podi morena a e tsaea ea nna ea gagoe.

13.

Actual Case.

Tsatsi le lengoe Ratau a be a omana le mosadi oa gagoe, ge ba ntse ba omana, Ratau a be a betsa mosadi oa gagoe ka thobane mo tlhogong gore madi a be a tshologe. Mosadi ge a tloga fo a be a tshabela koa kgosing go bolela morena gore ene, o biditsoe ke monna oa gagoe. Ge a sena go bolela morena, morena a laetsa gore Ratau a tle koakgotleng. Ge ratatu a tsena koa ~~kgotleng~~=kgotleng morena a mmolela gore mosadi oa gagoe o na a le fa a tlisitse kgetse ea gore o mo itelle. Ratau a dumela gore ke nnete o itelle mosadi. Morena a mmolela gore jaaka o sa ganele ke go athola kgomo. Morena a bolela Ratau gore ga sena ke go athola kgomo, mosadi oa gago ke ene a mphang kgomo e ea go e. A ka be a ne a ile koa lekgotleng la kgosana ea bo pele a ise atle fa. Janong ka otlile re go athola kgomo tsamaea o etsaea. Ratau are ke bontsha morena gore ba sentse ba mo athotse podi tsatsi le lengoe le gona a lomile ke Rasebati, morena a mmolela gore tse o gaana sepe le tsona ga akare o itee mosadi oa gago.

285

Ratau a tsamaea a eo go tsaea kgomo eo, go tlo enaea Morena Kgomo ea jeoa mokgotleng, batho ba itumela bona dinama. Bare mosadi oa Ratau ke mosadi ea molemo thata.

14

Rape.

Ge monna a ka pinnela mosadi ka thata ba sa dumelana, mosadi o bolela ka pele ga tsee sebaka. Ke eo nako ge a tsena fela koa bathong ba bangoe o tsoanetse gore a ba bolele gore ene o pinneletsoe ke monna ka thata. Le batho bona ga ba tsee sebaka go botsa monna eo, gore o na a dirang. Fela mosadi ka boene a ka seke a ea koa kgosing go ipega ka bo ene, o tsoantse gore a ee go bolela banna ba kgoro ea abo, ge a nyetsoe o tsoanetse gore a bolele monna oa gagoe ge a ise a dyatsoe o bolela ntatagoe gongoe mogoloee. Ke bona ba tsoanetseng gore ba eo go botsa monna eo, gore o diretseng jalo batho mo polelong ea mofuta go dumeloa mosadi fela, le ge monna a ka ganela a ba khubama, go dumela lefoko la gagoe le ageloa lesaka.

Actual Case.

15. Monna eo mongoe a bidioa Nkooe o kile a pinella mosetsana ka nako ea bosigo, mosetsana a bolela bo ntatagoe gore ene o pinneletsoe ke Nkooe. Bo ramosetsana ba be ba isa kgetse ea mosetsana koa bo ra mosimane go ba bolela kang ee. Ge ba ramosimane ba utloa ba rapela gore a kang e, felle fela fa lapeng, Ba ra mosimane ba botsa mosimane gore o gontse jalo, mosimane a dumela gore mosetsana o bua nnete. Ba ramosimane a bolela baramosetsana gore ba ipona molato. Ba ramosetsana ba bolela ba ramosimane gore le ipona molato janong re le kopa dipodi tse tharo. Ba ramosimane ba re re ea utloa kgomo re na le eona le podi e lengoe tse pedi ga di eo. Ba ramosetsana ba raea ba ramosimane bare ka gore le ipona molato, ga le itatole, re tla le tsoarela re tla tsaea kgomo eo, le podi fela. Ba ramosimane ba opa diatla. Ba itumela thata ba bontsha mosimane Nkooe molato o gore bona kgomo ke eo, e ile.

Actual Actual Case.

Monna eo mongoe a bidioa Raphusu a pinnela mosadi oa monna eo mongoe, mosadi ge a fete a bolela monna oa gagoe gore ene o na a pinneletsoe ke Raphusu monna eo ge a santse a re o botsa Raphusu, gore o na a dirang ge a pinnela mosadi oa gagoe,

285

Raphusu a be a tla go tlo ipegela monna eo gore o mo diretse molato ka go pinnela mosadi oa gagoe. Ntitoane mogatsa mosadi a gakala thata gore Raphusu a be a tshabe. Ntitoane a bolela bo ntatagoe kafa ene Raphusu a mo diretseng molato ka teng, le kafa Raphusu a iponang molato ka teng. Bontatagoe, ba mmolela gore ge le gore Raphusu o ipona molato o seke oa mo tsosetsa modumo, sebetsa le ene ka setu fela lefetse kgang e. Ntitoane a botsa bontatagoe gore eanong areng, ba mmolela gore ka gore o ipona molato mo athole kgomo tse thare. Ntitoane a bitsa Raphusu a fete a mmolela kafa ene mosadi oa gagoe a mmoleletseng kateng. Raphusu a dumela gore mosadi o buoa nete, le ene o ipona molato kafa a e ditseng kateng. Ge a sena go bolela jalo Ntitoane a kopa Raphusu kgomo tse pedi Raphusu a ikopa maitsoarelo ka kgomo e lengoe. Ntitoane a gana a mmolela gore o ipona molato le gona ga ke ea go romela gore o pinnela mosadi wa me. Ke batla kgomo tse ka bo bedi. Raphusu a ea koa go ntatago Ntitoane a morapele ngoana wa gagoe gore a itsoarele Raphusu ka gore o ipona molato. Koa morago Ntitoane a dumela kgomo eo, a e tsaee molato oa seke oa ea koa kgoglang oa fella fela kafa lapeng la Ntitoane. Ntatago Ntitoane a bolela ngoana gore ge o seka le motho me o ipona molato o seke oa galefa, o mo otle, o moitsoarele, o gopolele le oena ka mosho gore o tla dira molato oa mofuta o ntseng jalo.

17

Abuse, slander, division.

Motho ge a rogana fela a rogana a sa omane, ga gona molato ga gona motho ea ka mo tlhokomela. Fela ge a omana ke gona batho ba elang puo ea gagoe tlhoko. Fo oa be a isioe koa kgotleng gore batho ba tle ba utloe gore o na a omanang le gona a tlhakantse le go gorogana thata, fela ga a kake oa fitlhela motho a koata le ge utloa motho a rogana a omana fo ke gona a tleng a ele dithogano tsa gagoe tlhoko.

Actual case.

Monna eo mongoe a bidioa Majoro o kile eare a omana le monna eo mongoe a bidioa Selo a rogaka Selo a bona Selo mokgalagadi ragoe a ne a phela dikgomo tsa bohodu. Selo ge a utloa bothoko a be a isa dithogana tsa Majoro koa kgosaneng ea abo a fete a bolela kafa Majoro a morogileng kateng. Majoro ge a bidioa koa kgotleng a dumela gore o morogile, a fela a ntse arialo gore

285

Selo ke lekgalagadi ga go kake ga phimoga, go ntse jalo rago e o na o utsoa dikgomo tsa batho, Majoro a tlholoa podi tse pedi, le mpa tse di supang. Majoro a ntsha dipodi tse gape a be a kgothisiioa a bontshioa gore batho ba morena ba ke ba bonoa ke batho ba bangoe makgalagadi morena ene a sare ke makgalagadi.

Actual case.

Midioa mosadi oa ga Motananone o kile a roga Monnae Athelia monna oe a bolele mmagoe gore mogoloe o morogile ditlhtlhapel. mmagoe ge a utloa kafa Midioa a rogileng monnae kateng a gakala thata gore a be a bitse Midioa go tlo utloa gore o na morogela eng. Midioa a bolela gore monnae o na motenne, a ea itae gore a ka mo raea areng, ke ka moo a ileng a moroga ka mokgoa o. Mmagoe a monyatsa thata kafa a rogileng monnae kateng Midioa a bitsa monnae fa pele ga mmagoe a mo ikopa maitsoarelo a ipona molato kafa a rogileng monnae kateng jaaka e kete ga se monnae. Ntatagoe ge a utloa kafa Midioa a rogile g Athelia kateng a gakala thata gore a seke a itsoareloa o tsanetse goer a kgothisioe. Ke gona a ka utloang le gore a tle a itse monnae. Midioa a rapela thata fa pele ga ntatagoe gore ntatagoe a be a dumele gore Midioa a fe monnae seatla. Midioa a fa monnae seatla a mmolela gore o ipona molato kafa morogileng kateng, a ka seke a tlhole a etsa ealo. Ntatagoe a mmolela gore a tshabe a bake a tla oela mo melatong e me tona go feta o, a o dirileng jenong.

19

Ge motho a sotla ba bangoe ga ake a thoe sepe, batho ba be ba motloaele ka fa a buoang kateng. Gantsi-ntsi gona le batho ba ba kgobang thata, fela ga ba ke ba thoe sepe. Le ge ba re ba bus batho ba itshagela fela, ba ba tlhokomologe. Batho ba itse mokgoa oa bona gore ke batho ba mohuta ofe oa batho le go ngongorega o ka seke oa utloa ba ngongorega ka bona. Ba bangoe go sotla go bona go tlhakane le dithogano le ge go ntse jalo le bona o ka seke oa utloa batho ba ngongorega ka bona. Fela ge batho ba le mo kgotleng ga go oa dumeloa gore motho a sotle o mongoe mongoe a roge o ~~megoe~~ . Fo di puo tsa gagoe di eloa tlhoko. Le ge a bile ka rata go mosotla, ga dumeloe. Le ge ibile ele mosotli ea ikgaotseng tlhogo mokgotleng o itsoara leleme a ka tloga fateng a tshaba thata thata thata gore a be a timeloe ke kgoroane e a tseng- tseneng ka eona.

Fela rona batho ba bantsho re sotla thata, fa eleng gore ge motho a re o sotla o mongoe ga a ke a isa gope gore a motho oa buoa. O fitlhela fela a opela go sa mo tsene mo mading le ngoana fela ge a tlhalefa, o tlhalefa a fitlhela puo e, ba tsadi ba gagoe ba e dirisa ke ka mo puo e, le ene a sa kgathaleng ge a e utloa e buioa.

20

Seduction.

Mosetsana ge a sentsoe ke mosimane gongoe monna ea nyetseng ele santlha a senyega, oa duelloa. Ke gore batsadi ba mosimane ba tsanetse gore ba itsisioe gore mosimane oa bona o ba senyeditse ngoana. Ba itsisioe koa ntlung ea bona gore ge ba ikutloa le gona ba sa batle puo e tona. Ba tle ba sebetse dikgang ka bonolo le gore ba seke ba tsogeloa ke modumo. Ge ba sa ikutloe gore ba ka sebetse jaaka ba ramosetsana ba ba bolela kafa mosimane oa bona a basenyeditse ngoana kateng kang ke gona e tsoelang koa ntle. Gore eanong e tle e utluisoe ke batho ba bantsi. Koa teng e tla feta ge ene e ka be ele ka koa lapeng mo batsadi ba mosimane le ba mosetsana. Ka tlhelo ea eona e tla na makete thata gore ba ramosimane ba be ba ikotlhae. Mosetsana ge a buile, o buile ga gona kgakgarakgara batho batho ba tsaea fela e se buoang ke mosetsana. Ge ele gore mosimane oa ikganyetsa go tla lebeloa setshono sa koa ngoana le sebaka se mosetsana a se bolelang gore o kopane le mosimane ka sona. Fo ke gona ba tla atholang kang le ge mosimane a ka tlola a ba khubama ka mangole. Go ioa le mosetsana. Mosetsana ga kake a pateletsa motho a sa mosenya. Ga ona ope. Le batho ba tsaea fela fo, ge mosimane a sena go duela mosetsana me a sa monyale, ngoana ke oa mosetsana ga tseioe ke mosimane ka gore mosimane ke ene a sa tseeng mosetsana.. Bera mosetsana ga ba rate ka gore mosimane o ba senyeditse ngoana eanong ga a monyale. Ke ka mo eleng gore le ge mosimane a duetse mosetsana a sa tsee mosetsana ngoana le ene a ka seke a tlogela mosetsana (Mago.) Ba tsoanetse gore ba tsamae ka bo bedi ba bona koa baeang teng. Dikgomo tse di duelang mosetsana ke tsa ngoana eo, le gore ngoana eo o tsoanetse gore a gamaloe mafyi. A seke a kopeloa mafyi mo malapeng. Le gore ramosetsana le ene a tle a bone tebogo ea ngoana oa gagoe. Ge a ntse a mogodisa, gore ngoana oa gagoe ga a mosenyegela magala.

21

22

O bone sengoe mo tshenyegong ea gagoe. Ge mosetana a ka senyega la bobedi ga a tlhe a duelloa fo eanong ga gona se se ka mosekang batho ga ba dumele gore mosetsana a duelloe ga bedi ke gore bare a ka kumisa ntatagoe a mo humisa ge ele gore ene ka nako le nako ge a sentsoe ke mosimane a duloe. O duelloa ga ngoe fela go fedile ga a tlhe a ka duelloa ge ese a nyaloa ke gona monna ea monyala a ka mo ntshetsang bogadi fela. Ge mosimane a sentse mosetsana fela a monyala ao duela molato a be a ntsha bogadi.

Actual case.

Mosimane oe mongoe le ene a bidioa Rabete o kile a senya mosetsana a bidioa Mpine, ge baramosetsana ba tlisa molato koa go ene, a fete a ganela thata mo eleng gore baramosetsana ba ba koata. Ba be ba bolela baramosimanyana gore eanong neisa reisa kgetse koa kgosing. Ba botsa mosimane thata gore ge ele oena bolela re tle re seke rasenyegeloa. Mosimane a itatola a ganetsa mosetsana. Kgetse ea be isioa koa kgosing ge sena go begoe, mosimane a bidioa a bodioa a ganela ga tlisioa ngoana ga fitlhela ngoana a tsoana le mosimane le sebaka se mosetsana a sebolelang a kopnaneng le mosimane ka sona se utloala. Ga bona mosimane molato atholoe kgomo tse tlhano tse nne tsa neoa ramosetsana ea botlhano ea jooa fa kgotleng. Baramosimane ba bontsha mosimane gore bona re senyegetsoe. Ge o ka be o ne o dumetse re ka be re sa senyegeloa gole kalo. Ba montsha bona ngoana o tshonana le oena, le sebaka se ea go bontsha. O ganela eng, re senyegetsoe ba botsa mosimane ho ntatagoe gore janong jaaka re dueletse gole kanakana a ga o ny je mosetsana o. Robete a gaana, nang nang oa banyana, ba be ba molebela fela.

23

Actual Case. Pilane le ene o kile a seny mosetsana ge baramosetsana ba tlile go bega molato Pilane a dumela gor ke ene, o kile a kopana le mosetsana o. Baramosimane ba raea ba ramosetsana gore kgang e fele lapeng, fela ba ba fe sebaka ba tla itlisa go tlo lefa, molato o ge ba sena go ikakanya. Ge baramosetsana ba booa, baramosimane ba raea mosimane bare a ganele gore ga se ene, o ganele gore kgetse e be ee koa kgotleng. Baramosetsana ba tla tlisa tefa. Ba seke ba bona sepe, ba lebela ba be ba lapa. Koa morago ge ba fela pelo, ba be ba itlisa, go tlo botsa gore nare,

le sele lere le etla, le tlatla leng. Ge bamosetsana ba botsa jalo ba be ba ba bolela gore mosimane o oa ganela.

- 24 Bamosetsana ba makala, bare mosimane oa $\frac{5}{8}$ lona o dumetse fa, ga a ka a ganela. Le lona la ba la dumela, gore le tla sele le ikakanya. Go bontsha gore le sa dile le dira boferere koa morago ge re sena go tsamsea. Bamosetsana ba be ba gakala ba be ba bolela gore eanong re tla isa kgetse koa kgotleng gore morena a tle a re utuise gore e rile le sena go dumela la tloge la ga kologeloang ke eng ge le ne le sa ganele pele. Bamosimane ba ba atholela tsela gore tsamaeang re ka seke ea re mosimane a ganela ra dumela fela. Bamosetsana ba isa kgethse koa kgotleng ba fete ba bolele a kafa ba neng ba seka le ba bo Robete ka teng. Le ge ngoana oa bona senyeditse ngoana kateng, le ge ngoana oa bona e ne erile ba tlisitse kang a fete a dumela gore ke ene a sentse ngoana oa rona. Le batsadi ba gagoe ba ne ba dumetse gore ba tla lefa janong ge re lebeletse gore ba tla tlo lefa, ga re ba bona. Ge re tle go tlo botsa gore le tla tle le lefa leng, ba re bolela ge ele gore mosimane oa ganela eanong me pele o na a sa ganele Morena are "A batle re tle re utloe moko oa bona gore keng". Ba bidioa ba tla fa kgotleng ba bidioa gore a ba ne ba dumetse ge ba boleloa pelelo
- 25 pele, ba dumela gore gontse ealo fela ba bolela gore erile ge ba tsoanetse go tlo duela molato, mosimane a ikganetsa gore ga se ene. Ke ka mo re paletsoeng ke go tlo duela molato o. Kgosí ea botsa gore ke eng ge le ne le saeo go latolela bamosetsana gore oa ikganetse. Ba bolela gore ba ne ba ntse ba tla. Morena a botsa go e leng, bonang bamosetsana ba fedile elo, ntse ba le lebeletse. Morena eanong a ba bolela gore ka gore le ne le dumetse le mosimane a dumetse, ke ka gore le nele dumetse, ke le athola kgomo tse thlano, mosimane ene o tsoanetse gore a kgoathe mpa tse di lesome. Ge mosimane a utloa go thoe o tsoanetse gore a kgoathe a be a ipega gore batsadi ba gagoe ke bona ba neng ba rile a ganele. Morena a mmolela gore oa ba dumelang, kgoatha monna mosimane a kgotha a kitloa. Morena a mmolela gore re go ruta gore o seke o tlhe o dumela dilo tsa maaka.

Kgetse eanong ea booa ea athhologa, boramosimane ba booa ba athhologa kgomo tse pedi gape tsa maaka a bona tsa supa eanong. Tsepedi tsa nna tsa le gotla tse jeoa, tse nne ea nna tsa ramosetsana engoe ea nna ea morena. Kgetse ge e sena go fela batho ba boleloa ke morena gore ge go ka tlhe go baana le mosimane eo e tlareng a sentse mosetsana a ganela, re tla kopana ele ruri.

26

Adultery.

Mosadi ge elesefefe a robala le banna ba le bantsi gore monna oa gagoe a be a mo lemoge, fo monna oa gagoe o isa kgang ea gagoe koa batsadi ba mosetsana gore ba tle ba loe le ngoana wa bona kafa monna wa gagoe a ngongoregang kateng. Fela ga se gore monna ge a fitlhela monna eo mongoe fa lapeng la gagoe a ka belaela gore ba robala le mosadi oa gae. Fo monna batho ba bantsi ba ka motsoa ba bona gore monna eo, ke ene a tsoanetseng a be a robala le basadi ba banna ba ba bangoe. Ge monna seo, mogae, mosadi oa gagoe a tsala ngoana le monna monna eo o tsoanetse gore a lefe monna oa mosadi eo, se a tla sekopang. Ge ba utloana ka puo kgang e feella fela mo bona, fela ge ba sa utloane kgang e ea pele gore ba tle ba e tluisoe ke batho. Gantsi ge monna a tsetse ngoana le mosadi oa monna o mongoe kgang e fela mogo bona, ga e ke e tsoala koa ntle, goitse bona fela. Mosadi le ene ge a robala le banna ba le bantsi ke eo na e tsoelang koa batsadi ba bona, ka gore ea be e ba lebisa kgaogano gore ge mosadi a sa utlue, se se buioang ke monna oa gagoe le batsadi monna eo, o tla mo tlgela, fo e tla ba ese gore monna oa motlogela ke gore mosadi ke ene a sa utloeng a sa itsoareng.

Actual case.

27

Ramorula o na ana le mosadi, mosadi a na le banna ba le bantsi, fela Ramorula a seke a lemoga ka pele. Tgatsi le lengoe ge a tsoa koa morakeng o fitlhela monna o mongoe fa ntlung ea gagoe, fela a seke a belaela sepe, ka mosho ge a tsoga gape a be a ea koa morakeng, a ea sebaka sa beke. Ge beeke e ise e fele a be a ea gae, ge a tsena koa gae mantsibooa a fitlhele monna eola gape. Ramorula a simolla go belaela monna eo, gore o batlang fa. Ka ke mofitlhetsa, le ka jeno ke mo fitlhela o batlang. Ramorula o na beeke mo gae gape, ge e fela o laela mosadi gore ke ea koa morakeng ke tlatla morago ga kgoedi.

Ka mosho Ramorula a oela motseleng. Ge a tsoela kafa ntle o
 itunna ga tsamae o fefisa letsatsi. Mosadi oela oa gagoe o
 bolela monna Rantleru gore Ramorula o ile koa morakeng gape o
 tsamaile ka mosho o tla tla morago ga kgoedi. Rantleru o bolela
 mosadi gore go be go robaloa, Rantleru a be a robala le mosadi
 o oa ga Ramorula ge ba ntse ba robetse mogarega masigo
 Ramorula a be a tsena a fete a kokota. Mosadi are "o mang" Ramorula
 a be a re "Bula ke nna" Ge mosadi a bula a sa futsoele mollo,
 Ramorula a be a kotama gaufi le mojako a raea mosadi gore a gotse
 mollo, mosadi a gana are, ga gona dikgong. Rantleru ene o kafa
 morago ga setlatla o disitse gela gore Ramorula a tsene mo dikobong
 ene a tle a tshabe. Koa morago ga sebakanyana ge mosadi a ntse
 a gana go gotsa mollo Ramorula a be a tsoale setlatla a be a tsena
 modikobong le mosadi ene a be a robala. Ge ba ntse ba robetse
 mo mosadi a be are "Ke tsoela koa ntle ke ea go rota" Ramorula are
 "Tsamaea" Ge mosadi a sena go bula setlatla Rantleru a be a sala
 mosadi morago le ene a tsoa. Ramorula a be a mona a be a mmitisa
 are "Rantleru a Rantleru o batlang mo tlung ea me" Rantleru
 be a tshaba, ge mosadi a sena go booa koa ntle Ramorula a be a
 mmontsa gore Rantleru o na a batlang mo tlung e ea ka e, ka nako
 e ea bosigo a tsoe a na le lapa. Mosadi a bolela gore o na
 a phirimeletsoe fa, a be a kopa go lalafa. Ramorula a be a
 gakala a be a re o tsoara mosadi go mo itsea. A bolela gore
 ke gantsi-ntsi a fitlhela Rantleru. Mosadi a re gore ke ea rapela
 go seke go thusa sepe. Ka mosho a be a eo go bolela batsadi ba
 mosetsana kafa eaneng ge a seo mosadi a sele a dira kateng. A
 be a bolela gore Rantletu a bidioe a tle fa, a bodioe gore o na
 a batlangoa tlung ea gagoe, Rantleru a bidioa. Ge a sena gotla
 a bodioa gore o na a ~~batla~~ batla eng koa tlung ea Ramorula bosigo.
 Rantleru a bolela gore o na phirimetsoe e letsatsi koa
 teng a bolela gore ntlung ea gagoe e ne e le kgakala. Ba mmotisa
 gore ntlu ya gago e kgakala gore kanankang mo o ka palloang
 ke go ea koa gago. Gape one o tshabang ge ene ele gore o ne o
 phirimetsoe koa teng. Go ne go re bontsha gore o no o le senokoane
 koa teng. Rantleru a ka tlhola are " Bora le ntsoere" Bare
 "e re batla o rialo." Ramorula a bolela gore ke gantsi, a ntse
 a tlhela Rantleru koa lapeng la gagoe e a tsoa morakeng.

28

29

Ke gona a be a tle a molala. Rantleru a re ke ipona posho ba mo athola kgomo le podi a di ntsha, mosadi a atholosa mpa tse tlhano, gore tle a itse ge a nyetsoe ka dikgomo le gona e se gore ke mosadi oa monna o mongoe le o mongoe. Ba mmolela gore o tsoanetse gore o itse monna oa gago. O seke oa siana le banna ba botlhe ba. Monna oa gago o mongoe fela, ge o siana le banna ba bangoe, o tla go tlogela.

Actual case.

30 Ratshinaoe o kile a nyala mosadi bidioa Mankae, mosadi ge asena go nyaloa a be a tshola ngoana oa mosimane. Ratshinaoe a be a ea koa morakeng go disa kgomo. A nna koa morakeng go fitlhela ngoana o le oa gagoe e be ena mosimane o mo tona, ea romisoang. Ratshinaoe a na ka morakeng a seke a tla gae. Jaaka ge a sele a ea koa morakeng. Koa morago mosadi oa gagoe a be a tsala o mongoe le monna eo mongoe e le ngoana oa mos tsana. Ge ngoana eo a setse a simolla go tsamaea, Ratshinaoe a be a tla ga e morago ga ngoaga tse tharo. A fitlhela ngoana eole oa gagoe a mo tlogetseng e le lesea, esetse ele monna o motona ea disa. Ge a sena go tla, a isa kgang koa go monna ea tsetseng ngoana le mosadi oa gagoe gore o diretseng gore o tsene mo tlung. Monna eola a ipona molato fela mosadi are monna oa gagoe Ratshinaoe gore le ge monna eole a ipona molato ke sebaka o ntse o ntlogetse, monna eo, o ntlosetse ka gonne ke mo raea a phatsetsa dikgong. Moitsoarele o seke oa mo tsosetsa modumo. Ratshinaoe ge a utloa mosadi a rilo a gakala thata gore a be a itee mosadi gore e ne o tlatsa banna ka ntlu ea gagoe. Mosadi a be a ngala a ea kao abo, Rathinaoe a be a isa kgetse ko bo ntatagoe gore ba mo utluisse ge a sena go e bolela kafa mosadi a tsetseng ngoana le monna eo mongoe le kafa mosadi a ne are ke moitsoarele. Bo ntatagoe ge ba utloa ba mo nyatsa ge a iteile mosadi, ka gore Ratshinaoe o tsere sebaka se se telle koa morakeng, moeleng gore mosadi o bile a raelega go dira tiro ea mofuta o. Ratshinaoe ofo are, "Ke ipona molato fo, fela lerang ka monna o ene o" Bare o a sekisioe, ge ba sena go rialo ba bitsa monna eola Raditladi a tsetseng ngana le mosadi oa gagoe. Ge Raditladi a tla koa bo Ratshinaoe a ba bolela gore ene, kana o ipone molato, a ba seke ba mo tsosetsa modumo. Ba mmolela gore jaaka o ipona molato ge go athola kgomo.

31

Raditladi a ntsha kgomo a e ba naea. Go tloga fo go be go latoa mosadi koa abo. Go tsamaea Rakgadiago le rangoanago Ratshinaoe, ge ba tsena koa ga bo mosadi ge a tle gae. Bara-mosetsana ba re "Jaaka mosimane iteile mosadi re batla nku, fela mosadi le ka tsamaea le ene, nku eona re ea e batla". Ba tsaea mosadi ba ea le ene koa gae. Ba fete ba bolela ramosimane dikgang. Ramosimane a ntsha nku a e romela koa bogoe, ditiro tsa fela, Ratshinaoe a bitsa ngoana eole a tsetsoeng ke Raditladi are ke Maditladi, are ke go e ke ngoana ea sa motsalang. A ka seke a mo raea leina le a le ratang. Go tloga fa Ratshinaoe ke gona ge are mosadi ga a tshepege go ka nna jang le jang, mosadi a seke oa motshepa, ga lokeloe ke sepe. Ge o mo ka toga o sale a itirele bo ithatelo ba gagoe.

Abduction.

32

Oa se gantsi-ntsi fa o ka fitlhela monna a tshaba ka mosadi oa monna oa mongoe ge mosadi a ise a kgaogane le monna oa gagoe go thata gore monna eo mongoe a tle a fete a tsamae ka mosadi eo. Ge a rata mosadi eo, a ka mo nyalang gona monna eo, ge a rata mosadi eo, a ka mo nyalang pele a fo nya. Fela ka puso ea morena Isang monna eo (Actual Case) mongoe a bidioa Tshoabi a kile a tshaba ka mosadi oa monna o mongoe o bidioang Mphegape. Mphegape a ea go morena a fete a bega kafa Tshoabi a mo tsetaeng mosadi kateng. Ge Isang a sena go utloa kafa Mphegape a llang ka teng a be a ntsha mophato gore o batla Tshoabi le mosadi eo. Mophato oa tlala naga oa batla thata o seke oa be oa monna. Koa morago ga sebaka ba mo utlwela koa Manaana, ba mo lata ka eo nako. Ge ba sena go tla ka ene, Isang a laela gore a nne fela koa kgotleng go fitlha kamosa. Ka mosho a be ba mo ikatumetsa ba mmotsa gore o na a gopotseng ge a tshaba ka mosadi e se oa gagoe Tshoabi a palloa ke go buoa, morena a be a mmolela gore jaaka o tla ruta batho gore ba tshabele batho ka basadi ke go atholela mpa fela. Tshoabi a ba a kgoatha le mosadi eo, a ba betsa gore batho ba be ba ngongorege gore mokgayla o bolalle gontse. Ka mo a ba itelileng ka teng, erile ge dinto di fola, male ea bona ea kgoboga oa fitlhela ele ba ba soeu, ea na eona kotlo ea bona ka bobedi. Mphalape e e gaaka a boeloa ke sepe, mosadi ba mo neile tshobi ba raea Mphegape gore a batle o mongoe ga

33

etlhele ele mosadi ke seaka.

K32/13

Wrongs against property.

Ge motho gongoe dikgomo di tsena motshimong ea o mongoe tsa senya, mongoa tshimo o tsoanetse gore a di tsee a diise koa kgosing Ge a sadi bona mongoa tsona a di tsere, ene mongoa tsona o tsoanetse gore a eo go ipegela motho eo dikgomo tsa gagoe di tsong go mosenyetsa. Ke gona mongoa tshimo a tlaeang koa tshimong go bona tshenyo ea dikgomo. Ge a sena go e bona o-tlaea koa go mongoa dikgomo go mmolela kafa a boneng ka teng, le go buoa tefa ele ene. Ge ba dumela kafa ba buoang tefa, kateng, go fela fela mo bona ga goe kgakala. Dikgomo tsaga Maselane di kile tse jela Rampedi mabele, tsa ntshioa ke mongoa tsona maselane ka nosi ge a sena go dintsha a be a eo bolela Rampedi kafa dikgomo tsa gagoe di tso mo jelang mabele. Rampedi a be a tsamaea go bona kafa di jeleng kateng a fitlhela dijele tota, ge a sena go bona a be

34 a fete a bolela Maselane gore ke bone kafa di jele g ka teng ka gore o tlile oa ipega, ke tla go ~~haga~~ kopa kgomo. Maselane a re "Natata ke ea utloa ka fa o nkotlang kateng, fela o ile ko dimo ga ke kake ka kgomo ga ke itatole, fela ke ea la nkgadime" Eanong ke tla go kopa dipodi tse tlahno fela ga ke na puo engoe fo Maselane a dumela gore o tlakgona go di ntsha kang ea bona ea fela.

Actual case. (Serious)

Go kile gana ngoana o mongoe oa leuba kgomo dikgaloa ke metsi batho ba epa didiba go nosa dikgomo tsa bona. Didiba tsed dingoe dikgomo difetsametsi a tsona. Ke gore ba ba feloang ke metsi ba tsoanetse gore ba kope ba bangoe gore ba ba nosetse. Tgatsi le lengoe Thebe a be a fete a nosa dikgomo tsa gagoe mo sedibeng sa Masutlhe, basimane ba Masutlhe ge bare ba etla ba fitlhela metsi a se matona. Ba gelela dikgomo tsa bona tsa seke tsa noa tso tsotlhe fela ba seke ba di kopela mo di dibeng tsa babangoe. Mantsibooa ba fete ba bolela ntata bona kafa Thebe a e ditseng kateng le gore dikgomo t e dingoe ga di anoa. Fena ntata bona a seke a re sepe, a ba bolela gore o tlaea a bolela Thebe Thebe gore a seke a tlhe a etsa ealo. Ge a sena go bolela Thebe jaaka basimane ba mmoleletse Thebe ka mosho koa nokeng ge

35. basimane ba oela dikgomo tsa bona.

35

A be a fete a ba gakala gore ke eng ba tso bolela ntata go bona gore o letse a utsoetse metsi mo sedibeng sa bona. Ge a ntse a omana a be a phamola mosimane o mongoe a molatlhela mosedibeng mosimane eo, a be a robega letsogo. Ge ba sena go notsa, Thebe a be a roala mosimane eole a mo isa koa g e, a fete a bolela kafa mosimane eole a mo isitseng gae a robileng mosimane. Ge a sena gore mosimane a bolela gore ge Thebe a tla molatlhela mosedibeng, o na a omana gore ke eng ge re ne re boletse ge a ne a utsoetse metsi mabane. Masutlhe ge a utloa jalo a gakala gore kgetse e be isioe koa kgosing. Ge kgetse e sena go tsena ka kgosing Thebe a ipona molato, morena a gakala thata gore a be a ba bolele gore ge o mongoe a sena sediba a o seepa eanong, eseng gore a tlhe a kopa metsi. Thebe a tlholoa kgomo tse pedi, engoe ea jeoa fa kgotleng, engoe ea fioa ngaka e alafang ngoana. Go tloga fo morena moetlo a tsamaea le didib tse a bona kafa ba nosang ka tse kateng le o sena sediba. Ke gona a kuoa mophato gore o epe sediba sa kgosing, gore eomongoe le eomongoe ea tlhaeloang ke metsi a tle a nose teng. Batho ba simolla go ikhutsa kafa ba neng ba tsoenyega ka teng.

36

Kgomo tsan banna ba bangoe di kile tsa fitlheloa di fola koa di sa tsoanang gore di fole teng. Le dikgomo tsa Batlokoa fi di fula monageng ea Set hako. Ba nga tsona ba itsisioe gore ba tsoare dikgomo tsa bona mo nageng ea Setlhako. Ba tshepisa gore ba tla di tsoara fela ba seke ba etsa jaaka ba bolela. Koa morago tsa be di eo go tsoaroa di tlisioa koa kgosing. Gore banga ba tsona ba tle ba di lefela. Go tloga fo Batlokoa ba bona tsoma dikgomo tsa Setlhako gore ba di tsoere fela ba seke be, be ba dirsoara. Koa morago ke gona ge morena a bona gore ga go thuse sepe ge ele gore dikgomo tsa Batlokoa di fole mo nageng ea rona, re tsoanetse gore re age legora, gore go seke gatlhe go tshela kgomo epe e tla mo nageng ea rona. Ke ge mophato o kuioa gore ee legoreng. Ge ba sena go lefetsa go le aga, ke ge morena a bolela gore le tsoanetse gore leagioe ka ngoaga o mongoe le eo m ngoe go ofela, mophato o tsoanetse gore o kuioe o ee legoreng. Go tloga fo Batlokoa le bona ba seke ba tlhole ba tsoenyega ka dikgomo tsa bona gore di tla tsoaroa ke Batlhako.

Ge ba sa le age, bona ga baana sepe.

37

Strangers.

Baeng ge ba goroga ba isikoa koa kgotleng ke gona koa ba lalang teng. Ga ba dumeloe gore ba lale golo le golo koa ba ka tsenang. Ke gore ge ba tsena ba tsoanetse gore ba^{bo}tse gore koa kgosing ke ko kae. Fela ge ele motho oa motse ene ke ene a ka sekenga a begoa gore ke moeng, ke gore ene ke ngoana oa legae, ga tlhoke koa a ka robalang. Fela a ka seke eare fa abo go ntse go le mo motseng a lala ntlha e ngoe ea motse, o tsoanetse gore a be a ee koa abo go robala teng. Go itisa a ka itisa gongoe le gongoe koa a ratang go itisa teng. Ga gona motho ea ka mo thibelang gore a seke a itisa koa ratang. Le ge a ka fitlheloa a itisetse fa lapeng la motho bosigo ga gona molato oe gona ga ba na go mo makala. Fela ba ka mo makala ge ba ka fitlhela a robotse teng, le gona banga ntlu ba ka rata go itse gore o letse jang fa teng, ka gore mongoe le mongoe ea tlhokang koa robalang teng o tsoanetse gore a ee koa kgotleng koa teng o tla bona marobalo koa mokgorong oa kgosing. Mokgoro oa kgosing o oa getsoe baeng gore ba lale teng, le banna ba bagolo ba nnang fa kgotleng.

38

Damage. Ge motho a senyeditse o mongoe selo sa gagoe ge mongoa sona are, a sefele, oa sefele, ga ana go ka gana. Fela go na le pharologanyo mo dilo ge motho a sentse go na le se motho a se dirang ka phoso, le ka bomo. Se motho a se dirileng ka phoso mongoa sona ge a rata a ka mo itsoarela phoso, ge a sa rate, a ka nna se mo duedisa, se motho a se dirileng ka bomo fo ga gona boitsoarelo ka gore o na a ise itse^x gore o tla ntsha selo se se tsoanang le se a se sentseng, o se lefela, fela ka sengoe le sengoe se a ka lefang ka sona.

Actual case.

Mosimanyana oa Tlhagala o kile a fitlhela Nkotana a pana dipholo, a be area mosimanyana are "Nkgapele dipholo, o panise" mosimanyana Ramolebadise ge a re o konopa pholo ka letlapa a be a e phunya leitlho, ka letlapa le le. Ge a sena go e phunya ~~le~~ leitlho, Nkotana a be a ea koa go Tlhagala a fete a mmolela gore ngoana oa gagoe o phuntse pholo ea gagoe leitlho. Tlhagala a motsa, gore nare mosimanyana ge a tla phunya pholo e o na a dirang Nkotana a mmolela gore mosimanyana o fitlhetse re

39

fitlhetse re pana, ke ge re mokopa gore a re panise. Tlhagala a botsa Nkotana gore eanong o ba tlang ka gore ke oena o reileng mosimane oa re a le panise. Nkotana a bolela Tlhagala gore o tllile go tlo mmolela molato o ngoana oa gagoe'a o editseng. Tlhagala araea Nkotana are, "E ea koa o ratang teng ngoana ga a dira molato, ke oena o mo romotseng, o ne o mmiletsang are a go panise". Nkotana a be a bolela mogoloe are Sello ngoana oa Tlhagala a mo etseditseng molato ka teng. Ge a sena go bolela Sello, Sello ene ge a mo araba a molela gore molato ke oa gagoe ka gore o biditse mosimane gore a le panise, Nkotana a be a di tlogela fo. Fela a ikana gore o tla direla Tlhagala molato kafa ngoana oa gagoe a mosenyeditseng pholo kateng. Tlhagala a be a utloela gore Nkotana are, o tla mo direla molato fa o tla beng a ite moga gore ga se oa sepe. Tlhagala a opa diatla are "Karre ka Batlhagana re tla kopana" Nkotana a simolla go disa koa dikgomo tsa Tlhagala di fulang go fitlhela tsa tsi le lengoe ge a ntse a di batla, a di fitlhela di fula gaufi le fa masimong. A seke a tlhela a senya nako a be a digapela mo masimong, ge di tsena mo tshimong ea ntlha mosadi eo mongoe a be a setse a mone, ge a re oa ditlogela a tshaba, Mosadi eole a be a di ntsha a di isa koa gae. Ge a se a tsene ka tsona koa gae, Sello a be a kopana le ene, a ntse a digapa. A be a motsa o ditsere kae, o disa kae, Mosadi a be a mmolela gore o di tsere koa masimong di tsena mo ona. Nkotana ke ene a ne a di otlela mo masimong ge di tsena mo teng a be a di tlogela. Sello ke ge a bolela mosadi eo, gore ke di kgomo tsa Tlhagala. Ke ge mosadi eo, a di gapa a disa koa Tlhagala a fete a mmolela kafa a di boneng kateng. le kafa Nkotana a nenga a di otlela kateng. Tlhagala a leboga mosadi eo, a be a motsa gore a di sentse koa masimong, mosadi a latola are ke di thibetse di santse di le gona di tsenang, fela go gata le goroba di sentse. Fela ga se mo go tshosang Tlhagala a be a ea koa go Nkotana ge a famola ditsebe a fete a molela gore ere Kage ngeanake o robile pholo ea gagoe ka jeno o tsama o tsoma dikgomo tsa ka; Nkotana ge a famola ditsebe, Tlhagala a mmolela gore basadi ba tle ba gapa dikgomo tsa gagoe ba tla le tsona koa masimong Nkotana a re ke tlolela kodimo Tlhagala a mmolela gore, ga ke na sebaka ke ea fela koa kgosing, ke tle ke bona mokgoa oa gago.

40

Nkotana ge a utloa Tlhagala a bolela ealo are ke ea rapela, Tlhagala a gana. Ka eo nako Tlhagala a molela gore ga ke na nako ea gago ke ea koa kgosing a fete a bolela kafa Nkotana a mo editseng kateng. A be a bolela le pholo e Nkotana areng ngoana oa gagoe a e phutse leitlho ge ele eona, e Nkotana a be a tle a gapela dikgomo tsa gagoe mo masimong a batho, ge morena a utloa ealo, a laela kapele gore Nkotana a tle mogktoelgn ka pele, a tle a bolele ge ele gore ene oa ituela. Nkotana a tla mokgoeng go tlo bolela gore o na a isitseng dikgomo tsa Tlhagala mo masimong ge a sena go bolela jalo Tlhagala mo masimong Sello mogoloe a ema a bolela gore e kile eare ge mosimane oa Tlhagala a sena go phunya pholo ea gago leitlho o re Tlhagala a go duele a pala oa re o tla mo direla molato, me ke eona o, o dirile o. Morena a motsa gore a go ntse jalo, Nkotana a dumela gore gontse jalo o rile ealo morena a molela gore jaaka o rile a tla direla Tlhagala molato, ke eo ge o. Re go athola kgomo tse tharo, gore o seke oa tlhe o leka go ka dira tiro ea bomo, motho ga a tsoana gore a dire matepe. Banga masimo bona ga ba aka ba ba tla tuelo mo ma gatakong, a di kgomo matsoanyego eanong ke fa, o oa senye gella ke dikgomo ka go sa utloeng gago. Tshaba o bake Nkotana naka, go rakgang ga go jeloe sepe.

Actual case.

42
Lekanyane o kile a bona dikomo tsa Rankgate di ea koa mosimong a be a di feta fela ikela koa gae. Ge a tsena koa gae a be a fete a bolela Rankgate gore o kopana le dikgomo tsa gago di koa masimong. Ge Rankgate a tloga a di latela a fitlhela di tsene motshimong ea Lekanyane di e jele fela thata, ruri. Ge a sena go di ntsha a be a di gogela koa gae, ge a tsena koa te, g ge a sena go tsena koa gae, a be a eo go bolela Lekanyane gore dikgomo tsele o kopaneng le tsona di tsoa koa tshimong ea gae, me di sentse tota ruri. Ge Rankgate a tloga fa a be a ea koa kgosing a fete a bolela morena gore Lekanyane erile a tsoa masimong a kopana le dikgomo tsa aka di ea koa masimong me a di feta fela tsa be tsa tsena koa masimong tsa tsena motshimong ea gagoe. Di sentse tota ruri, eanong ga ke itse gore ke tla etsang. Morena a be a re "Ge Lekanyane a ka re oa go duedisa o gane, o tlise kgetse koano, ka gore o kopane le dikgomo me a seke a di thibela, jalo ge di senyetse

ene". Rankgate a be a boela gae, ga a ntse a ntse a be a bona
 Lekanyane a tla a feta a mmolela gore o batla tselo ka gore di
 kgomo di mo senyeditse. Rankgate a be a boela lekanyane gore
 jaaka o kopane le dikgomo me o seke oa di thibela, gna
 Rankgate ga ke na sepe, k kaea koa o ratang teng, ga se molato
 oa ka, ke molato oa gago. Lekanyane a koata gore a be a ee koa
 kgosing go bolela gore Rankgate o gana go mo duela ge dikgomo tsa
 gagoe di sena go njela mabele. Morena be a mmolela gore a eo
 bitsa Rankgate, ge Rankgate a tsena mo kgotleng, a bolela morena
 Lekanyane o kopane le dikgomo di ea koa masimong me a di feta
 fela a seke a di hibela ene ge a fapana le tsona tsa be di tsena
 motshimong ea gagoe di mo senyetse mabele, ke pala go mo duela ka
 tsela e. Morena a botsa Lekanyane gore o kopane le tsona, me a
 di feta fela. Lekanyane a dumela gore o kopane le tsona, me a di
 tlogela a bolela gore ga se modisa oa tsona. Morena a mmolela gore
 GA O
 /modisa oa tsona, fela o di bone gore di ea koa masimong, oa be
 o di tlogela fela, ke tseo di go senyeditse, o ba tlang ka gore ke
 oena o ntileng tsa go jela mabele. Ge o ka be o ne o di
 thibetse di ka be di ne di sa go senyetse, o itheile oa re di
 tla senyetse bangoe me ke tseo, di senyeditse oena. Morena
 a mmotsa a ga ona dikgomo, a re "Ke nna le tsona. A mmotsa
 gore ge ekabe ene ele tsa gagoe Rankgate a kopane natsa, me a
 di feta jaaka o fitile tsa gagoe, o na tlare a re "Ne nka seke
 kare sepe" Morena gore o maaka, ka go o editse tiro e masoe.
 Ke go athola kgomo, gore o tle o seke oa tlhe o lesa dilo tsa batho
 ba bangoe ge o di bona di ea go senyetse batho, gongoe o di bona
 di timela. Morena a mmolela gore dilo tsa motse oa eno, ke tsa
 gago o seke oa tlhele di leseletsa.

Theft.

Bogodu ga bo a ata thata motho ba Setsoana. Fela gona
 le magodu a mantsi o ka seke oa lemoga.

Actual case.

Monna o mongoe o na a bidisa Phaladi monna eo ene ele le
 epa tota. Tsatsi le lengoe Mosotoane a be a timeloa ke pholo
 e khunou, a e batla a seke a e bona. A be a batla ngaka e laola
 ge e sena go elaela, ngaka ea mmolela gore pholo e jeloe ke monna
 eo o agileng le ene, di naka tsa eona, o di epetse ka koa nokeng
 fa dikgomo di noang teng.

45

Ngaka ea be a mollela gore o santse a tllile go tsaea engoe gape Mosotane ge a utloa a thothosela thata, a be a kopa ngaka gore e mo tsoarele lesaka. Ngaka ea dumela gore e tla le mo tsoarela ge a ka ntsha nku, e ntsho, Mosotoane a e ntsha ngaka ea bolaea nku ele, ea lefa ka di nama tsa eona le mosoang oa eona. Ngaka ea bolela mosotaone gore a lebele kafa a tsoalang mapako kateng, le gore ka mosho a lebele maoto a tla tlang fa sakeng ge a ka bona le a sa leitseng a tle a mmolele gore a tle le bone. Ka mosho Mosotaone o ea koa sakeng ge a tsena, fateng o fitlhela pholo engoe ea tsa gagoe e seo, ge a re o potologa lesaka o bona leoto la monna eo a thibela pholo. A be a o bitsa ngaka ele gore etlo bona leoto la monna eo a mo jelang dikgomo fe e fete e le bona ea be e le laola, e be e mmolela gore ke ene, le gona ga a ise a e bolae, ngaka ea be e kgetla mpa ea moretloa e be a tabola mmu fa a gatileng teng, e be e goga mpa ele mogane ga ona a sena go tshosa setlhare e be e thola sefapano mo motlhaleng o le oa gagoe e be e betsa ka mpa ele mo teng. Ge sena go betsa e re, a re tsamae re mo tsee ka motlhala. Ge ba ntse ba tsamaea ba fitlhela a le ka fatlase ga setlhare, eona pholo e fula gaufi le ene, ngaka ea be e mmona pele, e be e montsha Mosotoane. Ge a ntse a ntse o bona ba tsena fo ene, ge a ba bona a be a re oa tshaba, ba be ba mmitsa a be a tla ko bona. Ge a sena go tsena ko bona ba be ba mmotsa gore o isa kokae pholo ele. A be are oa ganela. Ba mmontsha gore o sale o tlosa mosakeng a ntse a e gapa. Koa morago a ba bolela gore o na a sa eise gope. Ge a ntse a ganela ba be ba mmolela gore re ea go bolaea ge o sa re bolela gore o ne o isa kae. A be a ba bolela gore o na a ea go e bolaea. Ba mmotsa gore o tsere kae thata ea gore o je dilo tsa batho.

46 A bolela felal gore o bone a setse a dija. A be a ba bolela gore e ke kgomo ea bobedi a ntse a di tsoa, mosakeng la Mosotoane. Lantlha a bolela gore utsoetse pholo e ntsho. Mosotoane ge a utloa koa pholo ea gagoe e ileng teng a koata thata a mo eneteng a ka kgaoganya Phaladi. Mosotoane a be a isa Phaladi koa kgotleng koa kgosing Phaladi ge a sekisioa a ipona molato a be a bolela gore a ka seke a tlhe a utsoa. Ba mo athola kgomo tse di supang, engoe ea neoa Mosotoane. Phaladi ge a sena go duela molato oa gagoe a be a fudugela koa Mokoena a tshaba.

Ke gona a neng a tla maloba ka ngoaga tse di fitileng tse le ka nako e tsie e tl leng eona 1923. Le koa teng ke utloela gore o kobilo e ke bogodu fela Bakoena ba ne ba satlhe ba utloana le ene. Fela jaaka a sele a tla ga re ise re bone go tsoenya ga gogoe. Re ntse re lebeletse gore a o tla tsoenya gape, fela ga re itse polelo ea bone eare "Motho ga itsioe go itsioe naga."

Gongoe o tla tloge a simola a re utsoetsa.

Actual Case.

Kgori monna eo mongoe a bidioa kgori o kile a be a thota mopo oa Rakhudu koa tshimong bosigo ge Rakhudu a ne a kotola, mopo a o kgobakanya. Kgori e re bosigo o lele a o thota.

Rakhudu a ga a makala kafa a fitlhelang mopo o ntse kateng.

47 Tšatsā le lengoe be a belaela gore go tsoane gore go be go na le motho ea thotang mopo o bosigo, bosigo bo bongoe a be a lalla motshimong ge a ntse a le beletse a be a bona monna eo mongoe a tla a fete a ola mopo ka thari ea tholo. Ge monna eo a ntse a ola a utloa Rakhudu a setse a re "Dumela ra, o isa kae mopo o bosigo, ~~ge=ba=sena=ge~~ Kgori a be a thothosela fela. Rakhudu a be a mo isa koa kgotleng gore koa teng a eo go lala koa teng, a be a bolela banna ba lekgotla kafa Kgori a mosenyetsang ka teng. Ba be ba mmolela gore kgetse e tla tsena ka mosho, fela ~~Kogari~~ Kgori ene a lala koa kgotleng le banna bao. Ka mosho kgetse ea tsena Rakhudu a bolela kafa mopo oa gagoe o ntseng o tsoa ke motho me a sa itse gore ke mang. La bofelo ge a lala a tsoere Kgori, Morena ge a botsa Kgori, gore a ke ene a ntse a thota mopo oa ga Rakhudu a dumela gore ke ene. Ge a bodioa gore o na a dirang ge a tsaea mopo oa motho o mongoe a bolela gore ga ana mosadi ea fa lemang o bapapa bana ba gagoe, a ka seke a bopameloa ke bana. O tsoanetse gore a ba bapalle. Morena a mmoisa gore bana ba Rakhudu bona a ga bake ba bopama bona ge o ba buduletsa mopo, a bolela gore bona ba nna le mmabo. Morena a mo athola mpa tse di le lesome, le gore a be a tsee mpo o, o koa gagoe a o ise koa Rakhudu.

Offence against authority.

48 Motho ge a le kgatlhanong le molao oa kgosi, gongoe a le lekgatlhanong le kgosi ka nosi, oa ko bioa mo motseng.

Ge a na le koa abo gongoe oa bolaoa. Ke gore se kgosi e si buoang ga gona motho ea tsoanetseng gore a ka na kgatlhanong le sona le bo monae tota ga ba na matla ga ba na matla ga gore ba gagapale le molao oa morena.

Actual case.

Monna eo mongoe a bidioa Rilane o kile a fudugela motlhakong, monna e ne le mokgatla a seke a be a rata go utloana le morena koa morago morena a be a molemoga. Ge a sena go molemoga a be a bitsa banna ba botlhe ge ba sena go phutega a ba bolela gore re tsoanetse gore re reke lefatshe re oketse le la rona le. Monna eo mongoe le eomongoe o tsoantse gore a ntsha kgomo tse tharo. Banna ba botohe ba di ntsha Rilane ene a seke a di ntsha. Koa morago morena a be a gakala a be a romela batho gore ba eo go tsaesa dikgomo tso tsotlhe tsa gagoe. Ba fete ba di bolaea tso tsotl ba be ba koba Rilane mo motseng gore o ganana le molao.

Actual Case.

49 Kotedi ene ele monna a le kgatlhanong le morena, tsatsi le lengoe le lengoe ge morena a buoa o fitlhela a ngongorega a supa gore morena ke motho ea tsenya batho. Morena a be a bolela banna ba lekgotla gore o tsoanet e gore a bolae banna ba ba bo lae Kotedi, ga atlhe a mmatla. Morena a be a kua mophato oa Kotedi gore o ee letaholo go tsoma. Ka mosho ba be ba simola go tsoma, morena le ene a tsamaea le bona, ge ba sena go tsena koa nage a be a ba bitsa a ntse a fa tlase ga setlhare. Nage a be a ba bitsa a ntse ka fa tlase ga setlhare, ge ba sena go kgobakana fo ene ba ntse fa fatshe a be a ba bolela gore ba tsoanetse gore ba tsamae jang. Ge ba ise ba tsamae santse ba ntse. Morena a be a ema ka dinao. Ge a sena go ema fa fatshe a be a motlele, gore a soele ruri. Morena a be a bolela gore ga gon ea a tla bolelalang gore o ile kae, e jeloe ke tau fela. Ge ba sena go tsoma ba be ba ea gae, ka diphologolo tseo ba di bolaileng batho ge ba itumela ba utloa gore Kotedi o jeloe ke tau, fela ga fela, batho ba be ba molebala ga fela ga itsoe fela gore o jeloe ke tau. Ba bantsi ba ntse ba itse gore o bolailoe ke morena, me ga baka ba buoa sepe ba itidi maletse.

50 Witch-craft.

ga thoe ke moloi. Batho ba botlhe ba batsho balooa. Ka gore ge motho a soeloa ke motho o batla ngaka gore a alafe sefifi sa motho ea suleng gore motho ea mmolaileng le ene atle a soe. Ke ka mo ke reng batsoana ba looa ba botlhe.

Actual case.

Mosadi eo mongoe a bidioa Tobane o kile a tsoaroa a romile ngoana gore a eo lboa lapa la mosadi ea mongoe la Potsane. Ge ngoana eo a tsena fa lapeng a fitlhela batho ba le teng ba itisitae mo lapeng. Ge a tsena fa teng a seke a itsi gore a ka reng ka setlhare seo a se filoeng. A be a na fa isong, ge a ntse fa teng a be a t latlhela setlhare sele fa teng, monna oa lapa a be a se bona. Ge a se pumotsa gore ke eng a be a bolela gore o se filoe ke Nkoko agoe Tobane, o rile ke fete ke selatlhela fa isong Monna eole a be a se tsaea a be a raea ngoana eole gore a ee gae. Ka mosho Raletshang a be a tsaea setlhare sele a isa koa kgosing a fete a se bontsha morena le go mmolela kafa ngoana eola a mmoleletseng kateng. Morena a be a bitsa dingaka gore di tlo laola setlhare se. Ge di di sena go selaola tea bolela gore setlhare se, ke sa gore monna le mosadi baloe molapeng la bona Ge ba sena go bolela ga bidioa Tobane a fete a bodioa setlhare se gore a na a r=ta go dirang ka sona koa lapeng la ga Raletshang. Tobane a seke a buoa sepe. Morena a botsa batho gore re direngke ene, a re molaeng gongoe re mo kobeng, batho bare "A itsoereloe ge a ka tsoaroa gape ke gona a kakobang gore a bolaoe". Morena a bolela mosadi eo gore ge o ka tlhe o utloala sengoe ka eoa sa boloi, re tla go athola mogotshosang. Jo tloga ka letsatsi leo batho ba tshaba mosadi eo, ga bana kgatlhano le ene, le lapa la gagoe le tshaboe ga ba le tsene.

51
END S 285